



**REPUBLIKA E SHQIPËRISË**  
**AUTORITETI I KOMUNIKIMEVE ELEKTRONIKE DHE POSTARE**  
**-Këshilli Drejtues-**

---

**V E N D I M**

**Nr.2562, datë 11.05.2015**

**“Për dhënien e Autorizimit Individual sipërmarrësit “Vodafone Albania” sh.a. për katër të drejta përdorimi nga 2x5 MHz spektër i ciftuar dhe katër të drejta përdorimi nga 1x5 MHz spektër i paçiftuar në brezin e frekuencave 2500-2690 MHz për aplikimet TRA-ECS”**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Anila	Denaj	Anëtar
4. Znj. Ketrin	Topçiu	Anëtar
5. Znj. Klarina	Allushi	Anëtar

dhe sekretare Znj. Marsida Drushku, në mbledhjen e datës 11.05.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, dhe Rregullores së Brendshme të AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

**Për dhënien e Autorizimit Individual sipërmarrësit “Vodafone Albania” sh.a. për katër të drejta përdorimi nga 2x5 MHz spektër i çiftuar dhe katër të drejta përdorimi nga 1x5 MHz spektër i paçiftuar në brezin e frekuencave 2500-2690 MHz për aplikimet TRA-ECS**

**BAZA LIGJORE:**

1. Ligji Nr 8485 datë 12.05.1999, “Kodi i procedurave administrative”;
2. Shkronja g, e nenit 8, nenet 62 deri 79 të ligjit 9918 datë 19.05.2008 “Për Komunikimet Elektronike në Republikën e Shqipërisë” (ligji nr. 9918 i ndryshuar me ligjin nr. 102/2012 “Për disa ndryshime dhe shtesa në ligjin nr. 9918, datë 19.5.2008 “Për komunikimet elektronike në republikën e Shqipërisë”);
3. Vendimi Nr.466, datë 27.2.2013 “Për miratimin e Planit Kombëtar të Frekuencave”.

4. Vendimi Nr. 1252, datë 10.9.2008, të Këshillit të Ministrave “Për miratimin e rregullave të zhvillimit të tenderit publik, për dhënien e së drejtës së përdorimit të frekuencave” i ndryshuar,
5. Rregullore për Autorizimin Individual, miratuar me Vendimin e Këshillit Drejtues të AKEP Nr. 2395, datë 15.12.2013.
6. Vendimi i Këshillit Drejtues Nr.2559, datë 27.04.2015 për “Miratimin e Raportit Përmbledhës të KVO dhe Njoftimin e fituesve të Tenderit publik me procedurë të hapur me objekt: “*Dhënia e të drejtave të përdorimit në brezat e frekuencave 2500-2690 MHz për aplikimet TRA-ECS*”, Ref. 14-2x5-10x5-2015.
7. Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP.

### K Ë S H I L L I D R E J T U E S :

Nga shqyrtimi i materialit shkresor, të përbërë nga:

- Kopje e Faturave te pagesave të kryera nga sipërmarrësi “**Vodafone Albania**” sh.a.
  - Relacion shpjegues mbi Projekt-Vendimin (**Relacioni**);
  - si dhe,
- duke i u referuar diskutimeve në mbledhje mbi çështjen, bazës ligjore të sipërcituar.

### V Ë R E N :

1. Këshilli Drejtues i AKEP, me Vendimin Nr.2559, datë 27.04.2015, në përfundim të tenderit publik me procedurë të hapur, me objekt “**Dhënia e të drejtave të përdorimit në brezat e frekuencave 2500-2690 MHz për aplikimet TRA-ECS**”, Ref. 14-2x5-10x5-2015 miratoi:
  - a) Raportin Përmbledhës të Komisionit të Vlerësimit të Ofertave, në të cilin oferta e sipërmarrësit “Vodafone Albania ” sh.a. identifikohet si ofertë fituese.
  - b) Njoftimin e Fituesit, sipas Shtojca 16 - Formulari i Njoftimit të Fituesit.
2. AKEP, bashkëlidhur shkresës Nr.810/8 Prot., datë 27.04.2015 i ka dërguar “Vodafone Albania” sh.a., Formularin e Njoftimit të Fituesit, Nr.810/7 Prot., datë 27.04.2015, sipas Shtojca 16, të përfshirë në dokumentacionin e tenderit.
3. “Vodafone Albania” sh.a. brenda afatit 7 (shtatë) ditë, nga data marrjes së Formularit të njoftimit të fituesit, njoftoi kryerjen e pagesave, të mëposhtëme:
  - a) Çmimin e ofertës me shumën **3.320.104 (tremilion e treqind e njëzet mijë e njëqind e katër) Euro**, më datë 29.04.2015, në Logarinë bankare me emërtim: *Qeveria Shqiptare*.

- b) Pagesen vjetore (për 8 muaj) **2,880,000 (dymilion e tetëqind e tetëdhjetëmijë) lekë** për përdorimin e katër të drejtave të përdorimit nga 2x5 MHz dhe katër të drejtave të përdorimit nga 1x5 MHz të frekuencave të brezit 2500-2690 MHz.
- c) Pagesen vjetore (për 8 muaj) **9.796.080 (nëntëmilion e shtatëqind e nëntëdhjetë e gjashtëmijë e tetëdhjetë) lekë** për tarifën e shërbimit për shërbimet e radiokomunikimit, për katër të drejtat e përdorimit nga 2x5 MHz dhe katër të drejtat e përdorimit nga 1x5 MHz të frekuencave të brezit 2500-2690 MHz.

Pagesa sipas pika a) të mësipërme, është kryer në Bankën e Shqipërisë, **Qeveria Shqiptare** në EUR me Nr: AL89 1011 1008 0000 0000 2111 001E .

Pagesat sipas pika b) dhe c) të mësipërme, janë kryer në llogarinë bankare të AKEP, me Nr: AL30214112090 111113869030117.

### **P Ë R K Ë T O A R S Y E:**

Bazuar në sa më sipër, në kompetencat që i janë dhënë nga:

1. Ligji Nr.8485 dt 12.05.1999 “Kodi i procedurave administrative”;
2. Ligji Nr. 9918, datë 19.05.2008, për ”Komunikimet Elektronike në Republikën e Shqipërisë”, i ndryshuar, gërma g, neni 8, nenet 62 deri 79, neni 114 dhe neni 115 ,
3. VKM Nr.466, datë 27.2.2013 “Për miratimin e Planit Kombëtar të Frekuencave”,
4. Vendimet e Këshillit të Ministrave Nr.1252, datë 10.9.2008, i ndryshuar,
5. Rregullorja për Autorizimin Individual, miratuar me VKD Nr. 2395 datë. 15.12.2013.
6. Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP.

### **V E N D O S :**

1. Të pajisë sipërmarrësin “ Vodafone Albania” sh.a. me Autorizim Individual për përdorimin e katër të drejta përdorimi nga 2x5 MHz (2x20 MHz) spekter i çiftuar dhe katër të drejta përdorimi 1x5 MHz (1x20 MHz) spekter i paçiftuar në brezin e frekuencave 2500-2690 MHz për aplikimet TRA-ECS, sipas dokumentit bashkëlidhur këtij Vendimi.
2. Sipërmarrësi do të shfytëzojë frekuencat e dhëna nëpërmjet procedurës së tenderit publik me objekt **“Dhënia e të drejtave të përdorimit në brezat e frekuencave 2500-2690 MHz për aplikimet TRA-ECS”, Ref. 14-2x5-10x5-2015**, në përputhje me kushtet e pranuar të Dokumentit të Tenderit.
3. Afati i vlefshmërisë së Autorizimit Individual për katër të drejta përdorimi nga 2x5 MHz spekter i çiftuar dhe katër të drejta përdorimi nga 1x5 MHz spektër i paçiftuar në brezin e frekuencave 2500-2690 MHz për aplikimet TRA-ECS të fituara nëpërmjet tenderit me objekt **“Dhënia e të drejtave të përdorimit në brezat e frekuencave 2500-2690 MHz për**

**aplikimet TRA-ECS”, Ref. 14-2x5-10x5-2015** do të jetë 15 (pesëmbëdhjetë) vjet, nga 01.05.2015 deri në 01.05.2030.

4. Ky vendim të publikohet në faqen e internetit [www.akep.al](http://www.akep.al).

Ky vendim hyn në fuqi në datën e miratimit të tij.

**K R Y E T A R**

**Piro XHIXHO**

**ANËTARËT E KËSHILLIT DREJTUES:**

1. **Alban KARAPICI** \_\_\_\_\_
2. **Anila DENAJ** \_\_\_\_\_
3. **Ketrin TOPÇIU** \_\_\_\_\_
4. **Klarina ALLUSHI** \_\_\_\_\_